

天  
象  
源  
委

天象源委卷六

占變 大會交食掃流

象緯考載一瑞星一曰景星二曰周伯三曰含譽四曰格澤一流星一妖星一曰彗星二曰孛星三曰天棓四曰天槍五曰天機雲六曰蚩尤旂七曰天衝八曰國皇九曰昭明十曰司危十一曰天機彗十二曰五殘十三曰六賊十四曰獄漢十五曰旬始十六曰天鋒十七曰燭星十八曰蓬星十九曰長庚二十曰四鎮二十一曰地維藏光一客星一曰老子二曰國星三曰溫星老子一星休咎半之國星溫星皆為休徵至宋天文志而其

名更增其占更詳然所謂詳者不過詳其形狀而已而  
推測之詳孰有詳于薛氏之所定者一七政之會也而  
有大小會之不同且有年月日之可考會于某宮之有  
權無權一交食也而有命宮主星及交食宮主星之分  
且食時有經星之占又有五星相合經星與五星相合  
之占又有在各人命宮四柱內等占一掃帚也亦作十  
二宮占其占之詳且密更有百倍于古者故曰古疎今  
密不特推步為然觀象亦何獨不然輯占變

### 總論

會通云天下之變有關一國者有關一城者變有大小之分其

小者見于二分二至應於地下不過人事之常其大者應于地下為洪水為地震為瘟疫為大兵事非尋常則天象之見亦非尋常如大會日月食掃流等是

在天大小會

會通云一赤道春分與黃道春分相會三萬六千年一次

二土星木星相會白羊初度七百九十五年

象宗云土木二星同宮同度時十九年三百十四日十四時零一刻半相遇一處為一次相會是不及二十年會一次此言七百九十五年約可會四十次然象宗又云前後共相會四十九次之後方交火局似此則相會四十次之時尚在水

局不知何以此土木相會白羊却定為七百九十五年也詳其

見世運中

三土星木星相會一百九十九年會金牛方為大權如會白羊

再會人馬不為大權惟過一百九十九年會陰陽又

年會金牛在別三合宮內方為大權一百九十九年再會白羊其權更大四

項共七百九十五年

據象宗云會一次過八宮又二度二十五分則一百九十九

年之後尚未能交別局詳見世運

四土星到白羊初度三十年行周十二宮又到白羊初度不拘

何時總為大權

五土木星相會不拘何宮二十年一次不及二十年舊法之數此猶是

六木星到白羊初度十二年一次

七火星木星相會不論宮二十七月一次

八太陽火星相會不論宮二十六月一次

九土星火星相會不論宮二十五月一次

十火星到白羊初度二十三月一次

十一太陽木星相會不論宮十四月一次

十二太陽土星相會不論宮十三月一次

十三太陽到白羊初度十二月一次

十四金星太陽相會二百九十二日一次

十五水星太陽相會五十八日一次

十六太陽太陰相會二十九日十小時

十七太陰滿自行圈二十七日八小時

十八或經星或緯星行至地平并午時圈凡星至白羊初度有

大權若在地平及午圈其權同各星相會若在地平上其權亦

大

十九火星水星相會五月三日一次

二十五星自最高一宮移一宮有大權高指巨蟹獅子如火星自巨蟹

入獅子即有大權即有大亂待木星到天秤秋分之權甚大必

有大人升

各星到有權之時吉凶皆如其性如水到天秤則天下多出才人當論各宮之性及各星之性

### 日月交食

#### 交食總論

交食歷指叙云日月薄蝕宜論其時論其地論時則正照者災深論地則食少者災減然月食天下皆同宜專記時日食九曜各異并記地迨于五緯恒星其與二曜各有順逆乖違之性亢害承制之理方隅衝合之勢

會通云太陽太陰光能利物其失光自有所害要見其害之所主要見其害之所在又當究其為害之時害之作不但在日月

更當論五星與太陽太陰相會相冲相方也弦照

大會掃孛不

常有日月食常有極當留心

中會

天地大哉論中會而其意難仍論視會世運等均同此理

會通云日月食吉凶事從中會算起不用實會

從中會作十二宮

據歷指則五論實會與視會

地平圖午時圈

會通云日食所在宮地平圖午時圈用赤道宮界不用黃道宮

界

送宮

會通云日食有送宮如日食在東送宮為命宮日食在西送宮

為十宮於二項宮中取宮主星有權者為主星

交食分重輕

凡日月交食其應不同太陽所應之事重太陰所應之事稍輕

何星主虧食

五星中是何星主虧食之災虧食在何宮分看此宮主星又看虧食安命宮并宮主星二星何星力強若二星力同以虧食宮主星為主安命宮主星為助若安命宮主星力大即以安命宮主星為主彼為助

又雜星內有一星在虧食宮分度数上或在安命宮分度数上或在安命星盤第十宮并五星中有一星先太陽出地平環微

高或土木火三星在順行時將已上有力之星或一星或二星或取雜星內一星亦可作虧食主星

### 照星所在

會通云若日月食照星在東地平至午時當壞有氣之物如少年人草木花之類在午時困壞壯盛穩當之物如君王第一穩當者之憂在午時至西地平壞氣衰之物如老年人草木實之類

### 主星

會通云日食宮主星或送日食角內主星其性善又是本地方星其他惡星無大權能壞日食主善星即日食不為本地方之

害且仍有吉事若善星無權

為主星而無權

及善星不主本地方或惡

星有權亦有害但輕減

日食主星或送食角內主星是惡星又為本地方主星有善星有大權對惡星地方害亦輕

若各星俱不善又主本地方又無善星為之對即為大害

應在何人物上

看所取主星在何宮分又看宮分是何體象其禍應在其象上在陰陽雙女天秤人馬寶瓶五宮應在人事上在白羊金牛磨羯三宮應在六畜上在巨蟹雙魚應在水中之物在天蝎應在蛇蝎蜈蚣等物若在獅子應在猛獸上

若其宮分中有一雜星此星是何等象即應在其象上其象在黃道南則有大風雨水火在黃道北則主地震地裂地陷

若虧食主星在土局內應在土中所產之物在風局應在人馬并六畜在水局應在水中之物在火局應在金銀銅鐵等錢并寶貝等物

若虧食主星在白羊應在春季所產之物有損傷在巨蟹應在夏季所產之物有損傷在天秤應在秋季在磨羯應在冬季若虧食主星在白羊或天秤其災禍應在寺院庵觀在巨蟹或磨羯則人之性情多改移不定 在定宮應在人間房屋多損壞在二體宮應在人事上在轉宮應在庶民并小人輩

日食關係君王月食關係后妃并臣宰

若太陽虧食主星在西入時太陰虧食主星在東出時已上所  
陳災禍輕減反北則災禍增重

應何等災禍

看虧食主星是何星依其星之性斷之若有二星三星者

值二星或

三星會時將各星之性相合斷之

若虧食主星是土星主極寒傷百物論人事則人多患冷症纏綿日久并愁悶恐懼論六畜則有災禍損傷論天色則極寒結凍天昏雲暗天氣不正人多災亡地下主傷人之物如龍蟲之類論水類則主江河湖泊泛漲傷物海中惡風損船

若虧食主星是木星萬物滋長人事高貴安寧諸物價賤食用  
豐足六畜蕃息天氣和平江河不溢

若虧食主星是火星則燥熱傷物人事中有爭鬭爭戰人患卒  
症暴死瘟疫熱病吐血強竊賊人生發天氣極熱起熱風雨少  
井泉水缺乾旱有火災天色紅流星多海中有狂風傷船五穀  
果木之類亦有損傷

若虧食主星是金星其應如木星之應又人事中得陰人濟人  
之所好亦多偏于陰人多成婚姻之事增子嗣天色清朗明潤  
江河水增

若虧食主星是水主星與何一星相照隨所照之星論性情若

不過星照比別星起多事論人事性急有機變能知未來之事  
又強竊盜發謀起意人身乾燥病症時常發熱咳嗽怯弱吐血  
論天色因今星性燥輕動必有狂風雷震霹靂地動一應孳畜  
有損

### 日食所主

會通云日食在白羊獅子人馬主大乾大燥火災凶年設土星  
火星又在凶惡之方為災更甚燒山林

在巨蟹天蝎雙魚洪水江河溢如火星在金牛或他凶地更甚  
以三宮水地火星性又害人

在陰陽金牛雙女大亂大兵

在天秤磨羯寶瓶大瘟疫以三宮能壞人命

天上四宮獅子大乾天蠍大狼雙魚大濕金牛濕

月食同日食其害減小

### 食時五星之權

食時五星之權行速者最高者五星緯在北者 或星在日月

宮如日在地平上在日宮指星言月在地平上在月宮指星言

大抵日與土星主寒熱木星水星主風火星主雷電而金星主

雨月全主全主無解

有五星在日光內及留者事大

在天經星在日月食有大能力食在西從午經星在西者力大  
食在東從午經星在東者力大皆與主星忝者土性多飢饉疾  
疫不甚主兵火性多有兵革又經星所居之宮亦當論其性  
經星離赤道南水災赤道北地震如主星是土在北同經星主  
地震

### 五星相合及經星與五星相合

會通云五星相合有六十九十一百二十一百八十

經星與五星相合有三

一同在一小園內去極遠近等或俱在南或俱在北如陰陽巨  
蟹同一小園金牛獅子同一小園稱為相見者 或一在南一

在北如白羊天秤陰陽人馬相對在北為有權者在南為聽使役者

二經星在午時圈或一在天頂一在地下相對或二俱在天頂俱在地下相對

三或同出地平或同入地平或一出地平或一入地平此四者看五星中何星同經星之性

假如日月食白羊命宮在陰陽一主火星一主水星如水星在金牛火星在雙女即算為第一日食宮主火星第二雙女第三命主水星第四金牛火星主爭鬭反亂事并雙女方可有經星同火星之性相關何如以知其事次看水星水星同凶星則凶

在金牛之方有經星同水星之性相關何如以知其事又看白羊是何地方便知其所在之方

### 禍應多寡

日食時看日月相會是何宮分月食時看日月相望是何宮分相會與相望時是何命宮又看虧食主星在何宮分若虧食主星吉又與上所言宮分吉照者已上所言災禍稍輕若虧食主星凶又與上所言宮分惡照者已上所言禍應凶重又一說若虧食主星與上文所言宮分相照先太陽東出或留者災禍增重若虧食主星與上文所言宮分相照先太陽西入或逆行或與太陽相冲災禍輕減

逆行及與太陽  
冲未必輕減

應在各處城池

象宗云凡各處城池創立之時定一命宮以安命為主看日月虧食在何宮分是何局其局屬何方其禍應在彼處上古人多體驗采如一城池命宮屬白羊宮是年日月虧食在白羊宮分則災禍應在白羊所屬城池其餘可以例推

害所在地方

此原應叙入分野今先載此卷以聽體驗

會通云以天下分四分從西至北屬西地方大西洋回國為主者火星木星宮分白羊獅子人馬從西至南屬南地方黑人國為主者火星金星宮分巨蟹天蠍雙魚從東至北屬東地方日本中華為主者土星木星宮分天秤寶瓶陰陽從

東至南屬東地方小西洋佛國為主者土星金星宮分金牛雙

女磨羯

無北屬何也

日月食在其宮害在其國

日月食要看所食宮在本國所分之宮否又看日月食所安命宮在本國所分之宮否又看日月食在本地主人之十宮否若無此三者其食與本國無害

應日期多少

象宗云凡日月虧食者初食時至生光時準時刻多少太陽虧食每一時準一年其禍應在一年之內太陰虧食每一時準一月其禍應在一月之內時小會通云日食各凶事當在朔月食

各山事嘗在望

害起之時

會通云害起之時日食從東地平至午其害在第一月至第四月第一月尤甚在午其害在第五月至八月第五月為尤甚從午至西地平其害在九月至十二月第九月為尤甚地平下不占

最重處在何時

災禍最重處在何時者日月虧食分数至極處是正食者初食時至食盡時共成幾個時辰至食甚時應究何時刻最重處照上法推應在其時

色

會通云日月食色不同天首離日一度色密黑二度色稍疎三  
度黑紫四度紫黃五度紫光亮六度紫紅七度紫黃八度黃九  
度黃少綠十度紅黃少綠十一度金黃色十二度黃白

月食緯十分緯離最高一百八十度其色密黑三百十度一百  
五十度其色黑如常緯二十分離最高二百四十度黑色少綠  
緯三十分離最高三百七十度或九十度黑色少紅緯四十分  
離最高三百度或六十度綠色有白緯六十分離最高三百三  
十度綠白有光緯九十分色黃

本地方有不吉應其地之色多見即地方之害大色青黑如死

人色者土星色白者木星紅者火星各色變者水星其為災如五星之性

交食在各人命宮四柱內又見命理推論

交食在各人命宮四柱內則所臨之處有災假如在人命宮則本身有災在十宮則宮祿事不偕在七宮妻妾有禍在四宮則田宅耕種有傷損

交食在各人命星盤太陽所在宮分及冲又見命理推論

象宗云各人命星盤看太陽在何宮分若此宮分內日食或太陽所在宮分相冲歲日食則其人必有災傷太陰同

掃流掃字亦作十二宮占見占歲

掃星

會通云掃星有水星火星之性火言其烈水言其速一四方有芒一芒指下如鬚一芒傍出如蝟多自天河邊出

掃星之出天下定有事或亂或飢或乾或水要知其所主之事與其采之時

一看其所出黃道之方向何方行如出自白羊漸與獅子近是往東行必主東方有變

論掃出宮分出白羊東方有亂金牛北方西方有亂陰陽人多好色好殺好鬪豈以陰與陽為不同性故巨蟹大瘟普天下東西南北朝代當換獅子壞草木五穀大飢雙女大臣亡讀書者殃天祚盜多

天蝎謀反者衆人多懷私相殺人馬學術壞如焚書等事磨錫  
南方止惡人多淫者寶瓶多亂天下瘟人暴死雙魚天下兄弟  
朋友爭鬪楊起家庭

象宗云凡彗星有四等第一等尾向上指二等尾向下垂三等  
其象似鎗竿四等其象似鳳巢身細頭大其星之性與水火二  
星同若此等彗星見時世上所應之事有刀兵征戰火災地震  
等事然其事亦有輕重按宮分論所應方位在寅午戌宮分上  
應在東北方巳酉丑宮分上應在東南方申子辰宮分上應在  
西南方亥卯未宮分上應在西北方若此星東出地平環上微  
升高所應之事止在東方災禍微輕驗在近勢疾若西方見者

應亦如此但愈遲耳若此星升高到午位前後其應驗則廣大  
會通云論普天下地方在本處東地平西地平或正午或正子  
君憂在上來宮大臣死下去宮災病傷人

芒指東大瘟病人多死甚凶指西減凶指南南方大水指北北  
方大乾芒在四方論其色與所在之宮

掃星性皆屬水火亦有五星之性觀其色知其所主稍黑者有  
土星之性爭鬪瘟疫地震下雪光大者木星之性學術亂有道  
之人憂紅者火星之性強盜相殺火災乾燥大熱光明似日者  
太陽之性大人憂芒長色白金星之性疫病國法變凡色不定  
者水星之性雷電暴風邪教出掃星見最少如出定有變

此等星出有十二三年大變其息也有三或其力到十分散或  
別有諸星來彼當退或有六日食在五星冲位彼當退

### 流火

會通云流火或東西過或南北過或自上而下或不是火是星  
或星有尾長大亦與掃星畧同但其災差小不甚遠

流火主天氣長乾無雨魚多死大飢多風風從流星方來

日月食時有流星其災更的火旱大飢日月食外少緩  
晝見且多占同日月食

### 望起之由及天暗地震火災發鑛

象宗云若火星在安年命第十宮或四季命宮并朔望命第十

宮主天上有紅氣如火并起彗星若十宮是風局主已上所應之事愈重又兼水星與火星相會或相冲則已上所應之事尤重若此時火星與太陰惡照則已上所應之事亦重若火星在小輪上升時則彗必顯大

論十宮

若土星在安年命宮或四季命宮或朔望命第四宮主天色黑暗并地震若第四宮是土局比前事愈重若土星與水星同度或相冲則已上所應之事亦重若太陰與土星惡照則已上所應之事亦甚重若土星在小輪上升時則天暗地震甚重

四宮

若火星在安年命宮或四季命宮或朔望命宮內第四宮又是土局無吉星與之相照却有水星相照則主地上有火災并地

震地裂發鎮宮四

若安年命宮或四季命宮或副望命宮內第十宮是風局或火  
土二星在此宮或太陰至此與惡星惡照則天暗地震宮

天象源委卷七

占國 國家政治人事禍福

人君參贊化育人臣變理陰陽至誠格天人定勝天何  
休咎之占然觀其微而加以修省亦何莫非王道之要  
乎況天人一理呼吸相通詩云昊天曰明及爾出牲昊  
天曰旦及爾游衍夫大經大緯固在紀綱之布而其他  
化育陰陽之細雖一端之著見一時之感應要皆參贊  
變理者之所兢兢也輯占國

立象安命法

定流年安命法

此流年係  
國之流年

象宗云定流年安命之法太陽交白羊宮初秒時此即日躔也  
以日躔加所用時看東方卯宮地平環上得何辰為命宮凡春  
分到處為白羊非實指戌宮

恆星有歲差天上之  
戌宮不能一定無遷

蓋天星四十八象

見恒星

每一象地下必有一物象以應之地下

物象應天上星象吉凶響應凡交新年必有安命之理安命在  
定宮一年禍福皆依此宮分斷之在二體宮只斷在上半年候  
太陽交天秤宮初秒時再看是何宮度出地平環上定為命宮  
斷之若安命在轉宮者將禍福四季斷之

每季須  
安命宮

### 總訣

凡七曜所見吉凶皆應于人間各星有廟旺升降或在本宮或

在分定度或三合或順或逆在廟旺在本宮主其人高貴在降宮主其人低微在升宮主其人發達遇吉則吉遇凶則凶若星順行諸事順遂逆行凡事顛倒一切星象皆照此例推之

### 入城登位安命

若看人主之命不知其年月日時則看其入城與登位之時是何宮度出地平環上安一命宮以斷其始終吉凶

### 日月會冲二弦視星在太陽光下

若太陰與太陽相會相冲或在二弦此亦呼為四柱有吉星在太陽光下逆行則減吉有凶星在本宮或在廟旺宮或在分定宮度則凶不為凶

日月會冲二弦視太陽與星在地平何宮

在四柱此四柱皆主成金氣立之事尤星有力在四輔主金望

成立功力減半在四弱則踴躍不成全無氣力

以雜星到命宮占流年此是西法

看君王登位時安一命宮又看宮度数并主星取一命主星并及命宮主星并

太陽太陰在何宮分占君王應又看命宮出地平度對黃道的

赤道度数幾度此論安命之赤道度又看命宮前有何吉凶雜星出地平

幾度對黃道的赤道度数幾度此論命宮前雜星之赤道度以命宮赤道度

數與雜星赤道度数相減餘剩幾度一度準一年談幾年至吉

星之度則主其年大興旺也照恒星行推若此星係雜星內第一等

第二等吉星主疆宇開拓為福甚大係凶星則主心神不寧又多憂慮諸事不如意也

此推法與後文論日推法不同雜星在命前者可照恒星行推若雜星在命後者似竟置勿論矣

大聖人大賢人出世

凡一大聖人出世或一大賢人出世即將今年年命為主斷其吉凶

一歲之事

國家

若要知道國家一歲之事其安年命在畫者看太陽并第十宮主

星安年命在夜者看太陰及第十宮主星

民間

若要知民間一歲之事看安命宮取最旺有力之星并太陰為主

臣宰吏人

若論臣宰并吏人及公使人等看水星

賢人君子

若論賢人君子之人看木星

故家老人農人

若論有名望故家及老人農人看土星

軍官軍人

若論軍官軍人及軍器并一切軍務看火星

陰人樂人

若論陰人及樂人看金星

行人使臣

若論快行人并使臣者太陰 已上看各星辰衰旺斷其吉凶

論人身體

論人身體安寧者本星得本體之力

官貴興旺

論官貴興旺者本星得相助之力

經商財利

論經商財利者第二宮主星 已上各星與命宮或命宮主星  
相照者各得順受之力

人多出外

若年命在第九遷移宮有一二星係廟旺或三合或在分定度  
主其人多出外

太陽入白羊巨蟹天秤磨羯星過廟旺

若太陽入白羊宮或巨蟹宮或天秤宮或磨羯宮初度此時各  
星除相冲外得過廟旺度數此季必然高貴興旺

五星分管事

會通云金星水星在太陽下管日用尋常事土星木星火星在太陽上管軍國朝代等事

月主百姓

會通云月主百姓春分前或朔或望與木星會冲方則一年百姓平安無飢饉疾疫若與火土會冲反此衝亦取

看太陰定作事

會通云太陰在不定宮宜為速用事轉宮降下宮是在定宮宜為久遠

事一云要開市宜于太陰在轉宮

安命度論日算到雜星法亦西法

凡當年安命在何宮度看命前宮分有何吉凶雜星從安命度

上數起依太陽每日所行中道每日五十九分八秒算幾日到  
前項雜星上星吉則諸事皆吉凶則諸事皆凶應在其時候如  
安命在獅子宮第十度有一吉雜星在雙女宮第十二度相離  
安命處三十二度從命度起三十二日有零至其處當有吉應  
此係雜星在餘同此例又者當年七曜在命前後何宮何度  
命宮後者七曜右行恒星左亦從安命處數起該幾日到其星處即應其  
行前後應亦準此星之吉凶如木星則應賢人君子土星應農人老人之類  
各不相同

小限見命法後  
亦西法

若安命宮數至小限在何宮分者此宮分有何星假如此宮分

內有土星則年尊位高者有災若有木星則臣宰有學之人災  
若有火星則軍官軍人災若有金星則陰人災若有水星則吏  
人災若有太陰則陰貴人主有災

地理分為七界

此原應叙入分野今  
先載此參以聽體驗

象宗云凡地理分為七界每一界分一主星從南起第一界是  
土星第二界是太陽第三界是水星第四界是木星第五界是  
金星第六界是太陰第七界是火星者其年安命宮是何處各  
星中何星有力強旺則其界人諸事吉若其星無力衰敗則其  
界人諸事皆不利也

本文言第一界從南起土星此決是前人  
設此說故爾倒開第一界土星理應從

北起觀象緯  
真機自知

天象源委卷八

占歲 五穀豐歉百物盛衰

詩云民之質矣日用飲食大禹謨云德惟善政政在養民水火金木土穀惟修然則日用飲食之中具水火金木土之用裁成輔相匪細故矣天官書候歲美惡謹候歲始決八風八風各與其衝對旦至食為麥食至日昃為稷昃至鋪為黍鋪至下鋪為菽下鋪至日入為麻昃終日有雨有雲有風有日風起有雲其稼復起各以其時用雲色占種其所宜或從正月旦比數雨日直其月占水旱為其環城千里內占則其為天下候竟正月

月所離列宿日風雲占其國又云冬至短極縣土岸安  
決若景歲星所在五穀逢昌其對者衝戰乃有此天  
象之著于上者也若夫人事之當盡所貴于因時制宜  
周制司馬法六尺為步步百為畝一畝三畦百畝三百  
畦成畦平畦易畦俱各有法後世溝洫不講而畦畝之  
法亦廢所謂南東其畝者不知何為豈得委于生齒之  
繁田不足耕而民故衣食不給乎禹貢辨土性周官有  
草人掌土化之法間嘗閱農政略載知原野澤國山畝  
糞壤法各不同并知土性之有淡者則宜于鹹故糞田  
有用鹹澗者土性之有燥者則宜于潤故糞田有用麻

餅者土性之有冷者則宜于熱故糞田有用石灰者土性之有瘠者則宜于肥故糞田有用豬鷄毛及牛羊骨者曾見有土隴數百畝之長堅不能耕乃依疆築用膏之法教以先種麻俟麻熟焚棄及黃以為糞壤化剛為柔而遂成良田此舉其一方之大畧而言要亦人事之所當盡也一土也而性有如是之不等則夫天象之變化無窮非一端之所能盡固可知矣輯占歲

五星為今年主星分吉凶

取今年主星法見下

會通云土星為今年主星天氣寒雲冬至尤甚有非常之雪多晦風水湧水中盜起不利舟行人多冷病老年之人若畜物捐

傷多生毒蟲五穀寒傷

木星為本年主星年中平吉諸事易成人心平善諸事興土星相反

火星為本年主星天氣炎熱火災多熱風雷電舟楫傷損河乾井涸人多熱痛傷寒血症百姓變亂異國不和人多強死訟獄繁盜賊起用物五穀五果損傷

金星為本年主星大槩同木星之性所主人物皆善以金星濕性冲和風氣善水路易行五穀皆吉

水星為本年主星者同何星相合相冲相方方必為強同善則善同惡則惡水作主星世上法度風俗多變天氣變在倏忽多地震

雷電在地平上水多河溢在地平下水涸河乾其行速為人多  
急性寇盜與海中不安人多病乾

### 占歲法

#### 取命宮主

會通云取本年春分真時刻算十二宮先認東地平初分何星  
為宮主如白羊在地平即火星之類

#### 取日月所在宮主星為一年主星

會通云次認春分初分日月論日月所在宮主星畫取日夜取  
月日月所在宮主星取第一有權者為一年之主 若遇退行  
遇合伏及在下去宮即不取下去宮三宮六宮九宮十二宮是

若日月五星中不見一年主星

言日月所在宮主星不可取

即看五星在角

宮第十一宮第二宮四宮內何星有權便取為一年之主設

宮內有二三星但取一有大權者為主倘四角全無五星便

取命宮內有大權之星為之如戌宮為火星之舍之升即取為

主星

以日月五星較其為日月命宮宮主者更重

先取日月五星最強而為命宮日月宮主者次取日月五星

最強不為命宮日月宮主者其宮分先取在一十七宮次取

在十一八九宮地平下不取倘地平上無星可取只下去宮

不取天人同此占時參中言第一要者命宮次日月宮

日進天蝎二十度作十二宮

會通云占年如不作大算但用日進天竭二十度作十二宮同上推亦可知一年

春分前朔望作十二宮

會通云占年又看春分前或朔或望作十二宮同上對看何星有大權者為主星善者更善惡者更惡

春分前朔望月離日同五星

會通云太陰主百姓看春分前或朔或望月初離日若同火或合或冲或方見等照年中百姓多災五穀不登諸事不吉土同火性若同金木則百姓安諸事興火土反冲合亦有美惡之分

同下

日月食掃孛亦作十二宮占

會通云年中月日食月食亦依十二宮以五星有大權者為主  
星見卷六

有掃星亦作十二宮比上占更凶惡占掃星論初起之時  
以上占年第一是掃星次交食又次春分又次春分前朔望可  
參用之

### 占朔望

會通云以合朔時作十二宮一占地平上主星命宮主一占日星是也  
月同度時所在宮主星以五星有權者為主志言凶隨各星之性  
第一主星之性有命主星有命宮主星

第二主星所在宮之性

第三命宮之性

第四三角宮五星之性

如主星在戌為日本三角

第五朔後月初會五星之性或會或冲或方俱論

第六主星同經星相近之性若濕多雨多乾多旱多性各不反覆不定

朔望有金星在四角

會通云朔望有金星在四角內其日有雨

朔望太陰在四正柱亦主水

朔望主星到溫宮

會通云朔望主星到溫宮之時有雨

水星在各宮及日光內并退行占

會通云水星在白羊 巨蟹 獅子 雙女 已加熱有木相合

更甚在寶瓶在西亦同在巨蟹在北有熱風

水在白羊在日光內在東天氣爽快養人若水在此退行即多病

水在金牛在日光內大黑亂風在西養人在東有濕退行天好養人

水在陰陽在日光內海中地內皆大風在西大風在東天晴若退行人心悶

水在雙女在日光內有熱風在西乾在東濕養人退行多妖言

水在天秤在日光內有大風在西養人在東濕退行百姓亂

水在天蝎在日光內在西晴在東雨退行兵馬作亂

水在人馬在日光內雨多在西甚濕在東養人退行山內多險

已多有說險  
待已者

水在磨羯大抵雨多退行為人好漂海

水在寶瓶在日光內下雪在西熱天黑在東雨退行人有病

水在雙魚天黑有雨在西天氣好在東天晴養人退行大臣有

險厄

文中一行依一字

言東西又言北必指地平宮南北東西

物價貴賤

占法

家宗云凡物價貴賤者各月朔望安命宮

最要者是當年安命之前朔望命宮當年者春分也

并四季安命之前朔望命宮

又看命宮主星

又看太陰

七曜所主

象宗云凡七曜土星主烏香瀝青但藥材墨色者  
木星主五穀并一切味甜之物

金星與木星同又主銀并婦人首飾香貨及奴僕

火星主一切辣物并兵器

水星主金并一切花樣及淺色之物

太陽與水星同

太陰與金星同

土木主物價分貴賤

象宗云凡木星主物價賤物盛之故土星主物價貴物衰之故

宮分所主

象宗云若宮分是土局主一切五穀之類若宮分是水局主一切水中所產之物若宮分是火局主一切鑛中所產之物若宮分是風局則干係奴僕六畜之類

各星力強弱在本輪上升下降及在地平上上升下降  
各星若力強又在本輪上升及出地平環上升主所屬之物賤  
原係  
貴字

各星若力弱又在本輪下降及西落時主所屬之物貴賤原係  
字

細看此篇論物之貴賤與盛衰不同物盛則價賤衰則價貴  
安有星力強在上升而反價貴為物衰之理亦安有星力弱  
在下降而反價賤為物盛之理故不揣因陋撥之以理將貴  
賤字互易庶與物理相符下同

木在命宮與宮主相照及金照命再看四二兩宮主星  
若木星在當月朔望命宮內又有力又與朔望命宮主星相照

或金星來照命宮第四位宮主星又有力無凶照無凶星第二

位主星與命宮主又相吉照則主百物豐阜價賤當年當季

要兼看

土惡照月及五星在下降而水與土又相惡照再視土

在何局

若太陰當朔望時與土惡照及五星在小輪下降時原係主百

物貴若又有水與土照應惡則百物騰貴再視土在何局土在

土局主五穀之類貴土在水局主魚蟹之類貴土在火局主鑛

中一切物貴土在風局主奴僕六畜之類貴

命主星在四柱行疾

若安年命宮主星在四柱內一柱上又行疾比平則物盛在命

宮更美

命主所在宮分四季占

春分至夏至若在第<sub>十</sub>宮物盛

原係貴字

夏至至秋分若在第<sub>七</sub>宮物盛

原係貴字

秋分至冬至若在第<sub>四</sub>宮物盛

原係貴字

冬至至春分若在第<sub>一</sub>宮物盛

原係貴字

太陰與朔望命主星分有力無力在何宮及界分廟旺

太陰與朔望命主星校有力無力之曜在命宮或在十宮

或在十一宮或在五宮又在分定度上界或在三面度上行疾

又在廟旺宮度與吉星吉照主物盛

二星中間有一星力強

此二星

指太陰與朔望命主星

在四宮七宮或四宮七宮中間有一星力

強則物價不增物盛之故而人買者却多無力則物價增物衰之故而人

買者少

一星在四宮一星在七宮中間一星各吉照或二星俱在四

宮俱在七宮而一星在兩星之中間

二星中有力之星在下去宮

若有力之星

太陰朔望命主星中一星

在三宮或九宮

下去宮

則物價減而賣

疾物盛之故

若其星無力則物價增物衰之故且貴遲

四柱上主星有力上升又在界占

安年命宮四柱上并四季命宮四柱上看是何星所管其星有  
力又在本輪上升又在分定度界則其星所屬之物盛行疾易  
賣行遲物少

天象源委卷九

占異 旱澇疾疫兵戈盜賊

且夫陰陽之所係大矣庶徵不外乎陰陽陰陽貴于和而不貴於眈眈於陰眈於陽皆足以致災異人君為天地百神之主和氣積于宥密則休徵充于宇宙洪範言五皇極皇建其有極歟時五福用敷錫厥庶民惟時厥庶民於汝極錫汝保極而其道端在有猷有守為有守之念不愾不懼之受而康而色改好德之錫由是四海仰風共保太和猗歟休哉何其治之盛也然所謂保合太和者苟一物不得其所亦足以違天地之和旱澇之召

有所不免智者洞其機而豫為之脩是或一道也輯占

異

旱澇

詳見占歲

會通云土星為今年主星風水湧詳見占歲

火星為今年主星天氣炎熱火災多熱風雷電河乾井潤詳見占歲

水星為今年主星看周何星相合相冲相方在地平上水多河

溢在地平下水潤河乾詳見占歲

疾疫

看二命宮二命主二太陰

象宗云先定當年安命宮又定年前朔望命宮看此二命宮并

命主星又俱要看太陰若二命宮并命主星主二命并太陰陰二太  
六件皆居吉位又無凶星相照主其年人民安樂無病若此六  
件為吉多凶少亦主安樂若此六件不得地又有惡星相照其  
年必有天災又多疾病每季亦依此例

命主與六宮主會照并太陰不得地

若年命主星與第六宮主星相遇相照太陰又不得地其年必  
有天災人禍期望及四季安命宮亦同此例

命主與八宮主會照并太陰不得地

若年命主星與第八宮主星相遇相照太陰又不得地其年人  
多死亡

各星與太陰惡照

凡入福國各星與太陰惡照而然

土星與太陰惡照則有久病淹連歲月肌肉羸瘦痞滿及婦人

小腹氣痛瘕症一切冷濕症候

木星與太陰惡照有肺病喉疾中風昏暈頭疼心痛一切風症

火星與太陰惡照則發熱并脾胃症候及吐血及婦人墮胎一

切熱症

金星與太陰惡照則心氣痛腎經病虛腫浮游不定又痔瘡及一切溫症服藥難效之病

水星與太陰惡照則有心瘕失智恍惚驚恐從高墜下暗風喉

痛吐血一切乾燥之症

太陽與太陰惡照與火星性同

太陰自不得地別無各星惡照則同金星之性

兵戈盜賊

火土冲照

先看交年命宮并四季命宮生何宮分若火土二星相冲或二  
弦照則有災禍征戰之事

火土冲照在四柱

火土二星在四柱宮弦冲則其事尤大且急

火星在太陽光下

若安年命之時火星在太陽光下則其年有災禍征戰之事  
每季安命宮之時火星在太陽光下則其季有災禍征戰之事  
太陰與太陽相會或相沖時取一命宮此時火星在太陽光下  
則其月有災禍征戰之事相會應上半月相沖應下半月

火星在太陽光下又在四柱或轉宮

火星在太陽光下又在四柱或在轉宮則災禍征戰之事更急  
且大

安年命在晝火星與太陽沖弦又在轉宮

若安年命在晝火星與太陽相沖或二弦照又在轉宮則小人  
反叛

火星與當年主星會又逆行

火星若遇當年主星又逆行到不得力地至弱宮度又無吉星相照則必有姦人詭計亂國政因此兵起

火土離四柱星到柱柱到星推法此西

火土弦冲若不在四柱上看離四柱內一柱上幾度或二星內一星行到四柱內一柱上或四柱內一柱度數挑到二星內一星上則其禍應驗每排度數一日誤五十九分八秒即太陽平行度數

三合在何處

若火星與太陽相冲或二弦照或與太陽所到宮分主星相冲二弦照者看其三合在何處則其處地方有聲息

從小限數至第十宮

又一說貴人若命宮或入城與登位時安命宮看小限到何宮  
從小限數至第十宮若火星在四柱惡煞者則有刀兵征戰

天象源委卷十

世運

孔子言雖百世可知是言其理孟子言五百年必有王者興是言其數凡一切讖緯術數之書要皆本于私意造作其偶驗者遂傳于史冊其不驗者無算後世乾鑿度及太乙等書都欲強與歷合而究不能合且前之歷法尚未能如

本朝之精密即合亦不能無弊況不合乎故讖緯之學儒者所不欲道而可道者邵子皇極經世一書皇極之書以復臨泰大壯夬乾姤遯否觀剝坤配十二支一卦管

一百八十甲子上中下三元六十週一爻管三十甲子上中下三元十週子坤卦第四爻始復卦第三爻終計一萬八百年乾五之一上元甲子額頊五十八年是乾五一爻管一千八百年在乾之五爻卦文之吉無有過于此者而且堯桀並生其間其何以占世道之升降象數論謂其為書亦不能實與歷合夫皇極已自如此他術可知若夫天象之實可憑者莫如歲差一端歲差之法

本朝定七十二年而差一度有零則二萬五千九百二十餘年算為天運一大周數既有憑理亦相近至於土木

二星同度為十九年三百十四日十四時零一刻半相  
過一處為一次相會十二次或十三次始交他局至四  
十几次又從火局起第一次此術全憑推算而得誠非  
私意之所能造作者他如四千六百二十三年之說與  
實年不相符不知著書者欲有所秘而出於此否姑存  
之以俟參考輯世運

土木二星同度

原書所誌同度歲月日時度分秒微猶是舊西法但其立法甚善取而通之無星不

可指  
數也

二星行中道交四局前後共四十九次

象宗云土星行中道近三十年一周天木星行中道近十二年

一周天似此二星行二十年一次同宮同度何則土星二十年  
行八宮木星二十年行一周天又八宮第九宮二星同度相躔  
又行二十年又同度相躔先從火局起次至土局次至風局次  
至水局每一局十二次或十三次同度然後交別局

土星行中道二十九年一百十五日十五個時辰零三十四分  
行一周天木星行中道十一年三百一十三日六個時辰零十  
八分行一周天土木二星同宮同度時十九年三百十四日十  
四個時辰零一刻半相遇一處為一次相會十二次計二百三  
十八年一百十四日零十四分若十三次計二百五十八年六  
十四日零三個時辰假如二星初與同度時是火局從白羊宮

初度起第二次又是火局在人馬宮第二度二十五分第三次  
又是火局在獅子宮第四度五十一分第四次又在白羊宮第  
五次又在人馬宮第六次又在獅子宮似此相會十二次或十  
三次然後交土局土局第一次在金牛宮第二次在磨羯宮第  
三次在雙女宮似此相會十二次或十三次然後交風局風局  
第一次在陰陽宮第二次在寶瓶宮第三次在天秤宮似此相  
會十二次或十三次然後交水局水局第一次在巨蟹宮第二  
次在雙魚宮第三次在天蝎宮似此相會十二次或十三次前  
後共四十九次相會第四十九次是雙魚宮二十八度四十一  
分相會皆遍然後又從火局起第一次却在人馬宮第一度七

分餘依前例推之此是陰陽緊要之理自古以來一切禍福皆從此出

### 命宮

凡斷禍福必取一命宮將土木二星同宮同度時取一命緣二星行遲恐不準只將二星同宮同度之年安年命宮為主

小輪正相對照

心相對也

土星小輪與木星小輪正相對照謂之同度

會通云交食論中會木星然前占世

二星內何星為主

二星內有何星在小輪最高處或近小輪高處

論中會亦論視會以其

星辰強旺為主

在高處者

若木星為主天下安寧年歲豐稔有

福祿善事土星為主則歲歉事務不成人多憂愁

上言土木行  
中道實未論

中會然日食論九  
振點論視會可知

當年安命宮內何星最強

看當年安命宮內何星最強旺力大

是木星主年歲豐稔人皆安寧事務順快

是土星則年歉災傷人多愁悶事務不順

是火星則盜賊生發刀兵征戰及國政枉民有火災

是金星則陰人事盛人間多喜樂婚姻音樂等事

是水星則吏人經商技藝等吉

是太陽則國家興旺一切事務皆吉及大小貴人皆利于仕

是太陰則人民安樂凡事皆吉各處有好音至

已上所言一星強壯有力者如此

若二星強壯有力者將二星合斷之

如太陽與土星皆有力則與火星有力同斷

太陽與木星皆有力主有美政四海安寧

太陽與火星皆有力則國家失政民多受害

太陽與金星皆有力則國家荒淫酒色音樂極樂之事

太陽未必然

又陰人所事吉

太陽與水星皆有力則君王明聖識見遠大文學進用

太陽與太陰皆有力則各國來朝萬民感戴

若太陰與土星皆有力則謠言驚恐人多憂懼諸物湧貴

太陰與木星皆有力則人間安寧利出外四方有好音人多行善事

太陰與火星皆有力則有爭鬭詞訟妄言多生疾病

太陰與太陽或金星水星皆有力各與上文同斷

土與火皆有力則有征戰創生一切惡事

若木與土或火皆有力則善人改常為惡

若金與土星皆有力則陰人淫亂小口有損

金與土木皆有力主安樂豐足貴人吉又陰人吉人間行善事

金與火皆有力則陰人淫亂

金與水皆有力則多好奇音樂詩詞等事

金與太陰皆有力則多子嗣有喜信

若水與土皆有力則多生姦詐妄談是非

水與木皆有力則多行善事好學問明理性又利經商

水與火皆有力與水與土同

水與金皆有力與金與水同

水與太陽皆有力與太陽與水同

已上將土木二星同宮度并當年命宮為主斷其禍福

若論人品已見占國隨各星所關係之人應驗但此應驗比前  
所論年歲遠大

各年吉凶

若論禍福先從土木二星同宮同度分并同年安命宮分起第二  
年論第二宮第三年論第三宮至十二宮畢第十三年又從  
丙命宮起從前挑去又看二命宮主星并逐年流年安命宮主  
星與吉星照或凶星照于此詳其各星強弱以強旺者為主斷  
其各年吉凶

旺星

又看土木二星同宮同度并安年命宮主星何星有力廟旺又  
有吉星相照則尤有力如此主王者出世其性依旺星之性  
若旺星在四正柱上此下必少一句可以意會或四輔柱上則後代子孫中

不當得位者出而奪之若在三宮或第六宮或第九宮或第十二宮則應外人起而奪之

若強旺之星是土星主出世之人年老見識老成遠大亦主故家

若是木星主其人有學有德

若是火星主其人性剛好殺

若是金星主其人性善修德

若是水星主其人能言語善機謀

若是太陰主其人家富且貴又有才能

若是太陽主帝王興旺諸國來朝

何時

凡土木二星同宮同度所應之事已詳于上

要知其人何時應出者當年安命宮度數至二星同度處或者

當年安命宮度數至強旺星所在度數計幾宮幾度每一宮該

一年每一度該十二日餘六分之一大謂二却是其人出應之年

將今年命宮為主又將土木二星同宮度之年安年命宮小限

參看一切吉凶依此二宮推之謂今年命宮及安年命宮凡土木二星二十

年一次同度禍福應驗其最驗處在二百四十年交局時見上

世運推算取用

共九法一世運主星法一世運小限

逐年交星法一世運四季交星法一世運及四季及當年安命法一世運每一年挑一度法一世運命宮一年行一

度法  
命宮小限法

論太陽起地心外轉所行度數

象宗云上古智人曾推究一切天下大事斷決精詳名曰世運  
凡一運該三百六十年每年分四季春季數起處依歷法所定  
太陽在雙魚宮二十度一十四分太陽正行在磨羯宮初度即  
太陽極增之數太陽中行在雙魚宮一十八度將極增數二度  
一十四分添入中行度數內合前歷法之數共二十度一十四  
分自此太陽上升此春季之數也夏季初起處太陽到陰陽宮  
一十八度太陽正行在白羊宮初秒此處無增以此太陽中行  
即是歷法一十八度之數此為太陽在最高處秋季初起處太

陽到雙女宮十五度四十六分太陽正行在巨蟹宮初秒到此  
為至增太陽中行在雙女宮十八度將極增數二度十四分於  
中行數內減去合前數十五度四十六分至此後太陽漸漸下  
降冬季初起處太陽至人馬宮十八度太陽正行在天秤初秒  
至此數亦無增此數合前數一十八度此為太陽最低處自春  
起度數至夏起度數計八十七度四十五分自夏起度數至秋  
起度數亦八十七度四十五分自秋起度數至冬起度數計九  
十二度十五分自冬起度數至春起度數亦九十二度十五分  
總計三百六十度此是太陽起地心外輪所行度數依上古歷  
法一年分四季將一運亦分四季凡行一日准運一年

考日行黃道與天元黃道不同心故其行必距地球遠近不  
等新法測距地極遠之點謂為最高極近之點謂為最高冲  
此二點者乃盈縮二行之界一年行六十一秒乾隆二年丁  
巳七政經緯宿度定太陽最高過夏至八度二十二分最早  
過冬至八度二十三分太陽至過冬至八度二十三分為加  
至過夏至八度二十三分為減有太陽加減表可查準此算  
則太陽到白羊宮初秒距最早八十一度三十七分查表應  
加二度二分零太陽到白羊宮八度二十二分為極增之數  
為二度三分一十秒過此加漸減至最高過夏至八度二十  
二分為減之始茲云太陽在雙魚宮一十八度將極增數二

度一十四分添入中行度数內共二十度一十四分是天元黃道加二度一十四分共二十度一十四分為太陽實在雙魚一十八度也考今春分在白羊初秒今表加平日亦在白羊八度二十二分所謂雙魚一十八度者豈古法最高冲在冬至前故耶即最高冲在冬至前而推算應以春分為憑雙魚十八度之說究不可解又云自春起度数至夏起度数計八十七度四十五分自憂起度数至秋起度数亦八十七度四十五分此必指天元黃道而言

世運初起之首

初起是土星

象宗云上古智人先於洪水滔天時二百七十六年前將土木

二星同宮同度之年作世運初起之首其世運主星是土星宮分是巨蟹宮此一將土木二星正在巨蟹宮洪水滔天正在此

一運中前土木同度法從白羊初度起此起巨蟹

行限從巨蟹宮起

其行限每年交一宮從巨蟹宮起次年列獅子又次年列雙女宮後以次挑之是年行限亦至巨蟹宮

推世運以宮度分分管年法

每一宮三十度均作三百六十年每一年該度数五分

世運遂運交一星

土星運滿前云世運初起之首其主星是土星宮分是巨蟹交木星主運宮分是獅子宮

次火星主運宮雙女次太陽宮天秤次金星宮天蠟次水星宮  
人馬次太陰宮磨羯休上每運各三百六十年又交土星主運  
以次挑去於土木火日金  
水月輪流推之

一運初起時

每一運初起時以太陽至雙魚宮二十度十四分為首蓋是時  
星在巨蟹宮同度以此  
宮度分為首見上說

四千六百二十三年之世運

當依着西域紀年六百一十五年間說從世運初起時至此年  
該四千六百二十三年除十二運該四千三百二十年餘三百  
零三年係水星主運錯不初起時是巨蟹初度至六百一十五年間

則三百零是二十五是一十五分以每年行五分推得之

推行限法

小限即上文所每年交一宮

四千六百二十三年之小限

上文言水星主運初起時在巨蟹至六百十五年間即三百小

限至天秤三百年到天秤

小限逐年交一星初起是

七曜逐年交一星每年亦輪初起時是水星以土木會巨蟹也從水起首次

次陰至六百十五年間即三百是土星

每一運分四季

每一運分四季每一季有一主星不問何運第一季是火二季是太陽三季是水四季是土並與運主星同伴

其世運四季命宮第一季春并第二季夏每季諛八十七年零二百七十日第三季秋并第四季冬每季諛九十二年零九十日

### 安命宮

凡世運并世運四季并當年各有安命宮若取世運命宮待太陽到雙魚宮二十度十四分上見者東方是何宮度出地平環上就將此宮為世運命宮其世運四季命宮第一季并第二季每季諛八十七年零二百七十日第三季并第四季每季諛九十

二年零九十日上已見取命宮之法與上同

若依舊上去取世運安命宮并四季并當年安命宮之法并看太陽至雙魚宮二十度十四分上見此時東方是何宮度出地平環上即此是安命宮度数

又世運每一年挑一度法

凡世運每逢初起時雙魚宮二十度十四分起每一年挑一度三百六十年挑滿三百六十度又係交運又從頭挑起凡挑至一宮幾度處看其度是何分定是何星分定度数以其星為主斷其吉凶

又安世運命宮一年行一度法

又看安世運命宮是何宮度出地平環上將對黃道的赤道度數為則數去每一度該一年只數赤道度數看行至何宮度上過着何星以其星之吉凶斷其吉凶

世運命宮小限與上世運小限不同

若論小限從命宮起一年交一宮

象宗云西域紀年六百十五年間說世運初起時至此年該四十六百二十三年

御纂歷代三元甲子編年第一甲子起黃帝六十一年至明天啟四年為七十二甲子得四千二百六十年本年再加一年

新西法交食永年表起一甲子至明天啟四年為六十六甲子

得三千九百年三百年再加一年校編年少六甲子共  
月離歷指崇禎戊辰為推期之六千三百四十一年

天地儀書開闢至洪水云一千六百五十餘年

洪水至漢哀帝元壽二年庚申天主降生天地儀書云二千  
三百四十餘年聖經直解云二千九百五十四年遺詮云二  
千九百四十六年

考堯十八年至漢哀帝二年庚申實二千三百四十年與天  
地儀書合庚申至天啟四年甲子又一千六百二十三年加  
甲子本年為一千六百二十四年并共三千九百六十四年  
天啓四年至本年乾隆二年丁巳又一百一十四年通共四

千零七十八年加洪水前二百七十六年共四千三百五十四年較上文所云世運初起時至此年該四千六百二十三年之語不合今據實年推以四千三百五十四年除去十二運四千三百二十年餘三十四年準逐運交一星法亦係水星主運準小限法行到金牛準小限逐年交一星法為金星準一運分四季是火星在四千六百二十三年之說與實年不相符而實年于交運之時土木二星又不必定會姑存其說以待考訂若欲推測運境本查土木相會之真時刻安命推之為捷且理足

世運斷決之理

世運及季運主星強弱分吉凶

凡交世運或季運必有更改之事若世運并季運主星皆強旺  
又有吉星相助主出世之人興旺福隆大吉若世運主星已是  
強旺為吉又有吉星相從季運內雖有凶星相遇終不能作凶  
依舊興旺若一季過後又交一季季運主星又旺吉并有吉星  
相助主國家福隆疆宇開廣四海來朝設又交一季季運之主  
星凶弱則國家不寧有外人相侵緣世運主星吉旺終不為凶  
若世運主星凶弱又有凶星相照則主國家力小事外切人相侵  
擾攘不寧若遇交季運主星又凶弱并有凶星相照則必有革  
命之事

世運主星是五星內何星分外姓本枝

若運主有力之星是土木火三星內一星主外姓興起其事業  
制度一切所為並與前代不同若世運主星是金水太陰三星  
內一星則更改只在本枝不屬外姓却有刀兵爭競

世運主星是何星在何宮并在太陽光下或遇凶星

若世運主星是土木火三星內一星在本宮或在廟旺宮主國  
祚綿遠一運之內人壽長一切事務皆堅久

世運主星是金水太陰三星內一星又弱無力并在陷宮或在  
太陽光下或遇凶星則國祚年促凡事不久人壽短所作事不  
顯

世運主星是何星在本宮廟旺有二星兼在宮分內

若世運主星是土木火三星內一星或在本宮或在廟旺有二星兼在世運主星宮分內或與世運主星吉照主國家強盛四海一統假如世運主星是火星宮分是磨羯宮并火星又在磨羯內世運年命是白羊宮木星土星又在天蝎宮與火星吉照火星順受土木二星吉應則如上所云

世運主星強旺又為季主星

若世運主星強旺又為季主星主世運一季內國家大興旺

世運及四季主星同是土星

若世運主星是土星主國家興旺之福後勝于前為第四季主

星是土星而世運主星亦是土星所以後勝于前也

世運及四季主星行小限到火與火冲照火又為年命主

若世運主星并四季主星強旺行小限到火星或與火星相冲  
四正照然又火為當年命主星其年必有反叛刀兵起十年方  
定國家依舊依舊不改也以世運并四季主星強旺耳

世運四季行小限到火與火冲照火又為命主同在風局  
若二運世運四季小限與火星相冲或四正照火且在風局又為年  
命主星而世運主星亦在風局主其年天上見妖象有虹氣流  
星地上亦有大火災

世運四季行限到土星土又為命主在水局及土局與  
水局

若二運行限到土星土星又為年命主星在水局主其年大水  
在土局則其年地震地陷若在風局主天色極寒風雪大

世運主星土與火在本宮小限遇凶星

若世運主星是土星或火星其宮分又屬本星宮分如小限遇  
凶星則四方有橫事起

年命主星行至弱宮而太陰在命宮又與凶星照

又其年命主星

此言年命主星定即  
是世運四季主星

小限行至弱宮而太陰在

命宮又與凶星照則已上所言災禍愈重且大

應在何城池

其橫事最重處在何城池假如有日食者日食宮分是何城池  
安年命宮或四宮七宮十宮見交食類推亦

論土木同度應事重大

凡一應大事有更變但看土木二星同宮同度時為主若交運  
之際土木二星若同宮同度更為重大所論世運季運原屬西法